

【发郊】天子抱恙

Posted originally on the [Archive of Our Own](http://archiveofourown.org/works/49832644) at <http://archiveofourown.org/works/49832644>.

Rating:	General Audiences
Archive Warning:	Major Character Death
Category:	M/M
Fandom:	封神三部曲 Creation of the Gods (Wuershan Movies)
Relationship:	King Wu of Zhou Ji Fa/Yin Jiao (Creation of the Gods)
Character:	King Wu of Zhou Ji Fa, Yin Jiao (Creation of the Gods)
Additional Tags:	发郊 - Freeform , 姬屋藏郊 - Freeform , 姬发 - Freeform , 殷郊 - Freeform
Language:	中文-普通话 國語
Stats:	Published: 2023-09-03 Words: 1,010 Chapters: 1/1

【发郊】天子抱恙

by [phroah](#)

Summary

一个天子养小鬼的短小故事.....

Notes

See the end of the work for [notes](#)

是年周天子翦商业满，迁都镐京，安抚殷民，又兴建洛邑，匡复封制。新宫落成，武王殷勤国事，夙兴夜寐，殿内常烛火通明，灯影辉辉。然暮春之初，天子抱恙，龙体腕添刀伤，颈有蛰痕，白日倦怠，面容枯槁。每数日，辄死去，僵然如尸，几时始醒。有寺人私下谏言，传武王殿内烟雾朦胧，察察有声，遂集而窥之。

弦月之夜，几人匿于棂下，穴窗窥视，见武王伏案苦作，心生怜恩，欲散去。忽闻风声隆隆，穿堂而入，烛火荧荧而后灭，烟出不穷。一人畏之，竦急作鹤步，出走；另一人不得见内室，迟疑须臾后随行；只留一小厮拂窗而坐，心生怖惧，仍瑟瑟待之。

月落满窗，风声渐消。寺人重探窥视，见武王巍峨而立，手持鬼侯利剑，自伤而引血。血满铜樽，武王持之疾走，不见形影，寺人遂离去。

至殿外无声，一影从内室幽幽逸出，身忽飘飘，腰如约素，肩骨峨峨，金贝呈露。唯项颈之上如有裂痕，仿佛为血线所勒，气若游丝，弗知生死。影见武王持樽，突立案前，颠动如将落之晨露，后跪行祭神之大礼，起身引璆锵[注]之琳琅。武王持樽送之，曰：“郊，饮之，不足则复与。”

影双手捧觥，如兰承雨露，仰首酌之。少顷有赤烟缭绕，环其项颈袅袅若风，又如血雾漫漫，魅影重重。待雾散尽，影双瞳朱赭，熠熠睽闪，遽拥武王。武王执其手，抚其颈，令其待之，而后引入内室，陈卧具，扃扉就榻，二人狎好。影身红色，甚修润，武王近抚按之，即随手而曲，殆如肉栗，腻然折伏。卧间，影露贝齿，舐天子颈肌，齿没肉，啖血而食。食毕，眼目黯然，泪如骤雨，徒倚踟躅，神光涟涟，曰：“吾负君，君何弗置我于此，

害君身益弱矣。”

武王闻言怅然，怏怏抚之，曰：“嗟呼！拜识清扬，情逾骨肉，相别有日，朝歌不复。而今安定天下，只求尔伴左右，同月对酌，同塌而卧，则何如？”曰：“罪人矣，勿惜勿惜！”

连数日，天子恙疾，群臣奏表，请医问药。武王泰而处之，面无难色，兢业劳作，靡有晨钟。待夕日欲颓，影遂醒，责己苛待，不忍相食。然每及子时，月若水衣，碧罗璀璨，影必项痕生翳，疤起旋烟，泪簌簌而身栗，息惶惶而口饥。武王不忍，即复自伤而养之。

于时朝野欢娱，池台钟鼓，王御臣民，礼乐有数。然天子疾久不治，沉疴并发，神魂犹失，耿耿不寐，绵绵相慕。三载向尽，是日萧风沉沉，山石濯濯，日枯垂落，月尤未升，昏冥不辨十指，珥瑶不见华光。武王卧榻定息，息渐弱，杳渺无声。影坐侧旁，泣凄怆如鹤唳，形缥缈如秋霜，曰：“吾当死久矣，今误君至此，恐来生无以报。”

天子掩目，唇齿翕动，声若游魂，指如青丝，掠其颈上血痕而抚之，曰：“无以报则不报，吾知尔心，必不负。今崇华肥沃，河洛宴安，周民得宁，殷民得慰，逢五帝之东聚，值天道之南奔。吾业成已无所累，请尔安。”语毕臂落，武王崩。

其后，周公旦辅成王，平三监之乱，承武王之志，除反臣，定局势，得周久安。遂大祭，玉瑱瑶席，扬枹拊鼓，竽瑟和鸣。祭间忽见武王灵位升雾，飏飏朱烟，状若莲灯，又匝地作堆，漫没棺中。少顷晴幕坠雨，如苍穹垂怜，碧落横涕，尤不肯蔽日遮天，恐惊臣民。近祭台侍者遽恍惚闻声：“吾证天下已定，终可从君而离世矣。”

End Notes

注：璆（qiu二声）锵，佩玉互相撞击的声音。

Please [drop by the archive and comment](#) to let the author know if you enjoyed their work!